



~ 16
4046
2



16
4046
2

<2006-793>

牧齋有學集卷三

庚寅夏五集

歲庚寅之五月訪伏波將軍於婺州以初一日渡
羅刹江自睦之婺憇於杭往返將匝月漫興口占
得七言長句三十餘首題之曰夏五集春秋書夏
五傳疑也疑之而曰夏五不成乎其爲月也不成
乎其爲月則亦不成乎其爲詩繫詩於夏五所以
成乎其爲疑也易曰或之者疑之也作詩者其有
憂患乎

早發七里灘

曉曉初旭麗江干
淄淄浮烟羃瀨灘
此地無風才七里
諺云無風七里
有風七十里
吾廬有日正三竿
釣壇不爲沉灰
改丁水猶餘折戟
寒欲哭西臺
還未得唳空朱噉響
雲端

五日釣臺舟中

緯繡江山氣未開
扁舟天地獨泂洞
空哀故鬼投湘水
誰伴新魂哭釣臺
五日纏絲仍漢縷
三年灼艾有秦灰
吳昌此際癡兒女
競渡謹吹盡室迴

五日泊睦州

客子那禁節物催
孤篷欲發轉徘徊
晨裝警罷誰驅

去暮角飄殘自悔來
千里江山殊故國
一抔天地在西臺
遙憐弱女香閨裏
解潑蒲觴祝我迴

婺州懷古

礮車猶並日車紅
當道空傳一老熊
謂故開府朱公
野鳥

淒涼啼廢壘
纖兒啁晰笑行宮
開府謀改宋公署爲行宮未就而罷人多

笑中天赤字
開明祖明祖開省于婺黃旗榜
午夜朱

旗閃越公見宋公胡越署有山河日月之聯
獨有鷓鴣如夙昔
雙溪省識

釣魚翁

歸舟過嚴先生祠下留別

雙臺離立釣魚壇
香火空江五月寒
林木猶傳唐勳

牛... 卷三
哭臯羽記云故人唐開府溪雲常護漢衣冠蒼厓辣
關春山老白鳥隱宋爲唐也故從之離襟夏雨殘有約重來薦蘋藻謹將
心跡愬魚竿

桐廬道中

空山雲霧眇天涯信宿迴舟興已賒作客有詩頻削
草涉江無事但尋花蘭溪載花盈舟越人笑之蘭舟是處皆湘水
釣渚於今屬漢家寄謝桐君莫相笑因君轉自愛蒹葭

西題湖舫舫名不繫園

園以舟爲世所稀舟名不繫了無依諸天宮殿隨身

是大地烟波瞥眼非淨掃波心邀月駕平鋪水面展
雲衣主人欲悟虛舟理只在紅妝與翠微
湖上堤邊艤櫂時菱花鏡裏去遲遲分將小艇迎桃
葉徧采新歌譜竹枝楊柳風流烟草在杜鵑春恨夕
陽知憑闌莫漫多回首水色山光自古悲

西湖雜感

浪迹山東繫舟湖上漏天半雨夏月如秋登登版
築地斷吳根攘攘烟塵天分越角岳于雙表綠字
猶存南北兩峰青霞如削想湖山之繁華數都會
之佳麗舊夢依朕新吾安往况復彼都人士感絕

黍禾今此下民情深桑海侮食相矜方言若性何
以謂之嘻其甚矣昔日南渡行都愁遺南市西湖
隱跡追抗西山嗟地是而人非忍憑今而弔古叢
殘長句淒絕短章酒闌燈地隔江唱越女之歌風
急雨淋度峽下巴人之淚敬告同人勿遺下體敢
附采風聊資剪燭云爾庚寅夏五憇湖舫凡六日
得詩二十首是月晦日記於塘栖道中

版蕩淒涼忍再開烟巒如赭水如焚白沙堤下唐時
草鄂國墳邊宋代雲樹上黃鸝今作友枝頭杜宇昔
爲君昆明劫後鐘聲在依戀湖山報夕曛

激灑西湖水一方吳根越角兩茫茫孤山鶴去花如
雪葛嶺鵲啼月似霜油壁輕車來北里梨園小部奏
西廂而今縱會空王法知是前塵也斷腸

楊柳桃花應劫灰殘鷗剩鴨觸舷迴鷹毛占斷聽鶯
樹馬矢平填放鶴臺北岸奔騰湖又到南枝零落鬼
空哀爭憐柳市高樓上銀燭金盤博局開

先王祠廟枕湖濱墮淚爭看忠孝文垂乳尚傳天目
識射潮無望水犀軍千年蠻響傳陰火盡日靈旗捲
暮雲雙淚何辭濕堦城羅平怪鳥正紛紜

宰樹豐碑一水湄金牌終古事參差

于公被禍亦有
金牌迎立事

殢宮麥飯無寒食賜墓椒漿有歲時歌舞夢華前代
恨英雄復楚後人思興亡今古如償博可惜冬青綠
滿枝

昔叩于公拜綠章擬徵楛矢靜諸方鴟夷靈爽真如

在銅狄災氣寔告祥地裏龍吟翻水窟天迴電笑閃

湖光殘燈彷彿朱衣語夢斷潮聲夜殷牀萬曆己未歲余肅謁

于廟有
不廟文

佛燈官燭古珠宮二十年前兩寓公謂程孟陽李長蘅畫筆

空濛山過雨詩情淡蕩水微風斷橋春早波吹綠靈

隱秋淡葉染紅白鶴即看城郭是歸來華表莫匆匆

西泠雲樹六橋東月姊曾聞下碧空楊柳長條人綽

約桃花得氣句玲瓏桃花得氣美人中西泠佳句為孟陽所吟賞筆牀研

匣芳華裏翠袖香車麗日中今日一燈方丈室散花

長侍淨名翁

堤走沙崩小劫移桃花務面柳攢眉青山無復呼猿

洞綠水都為飲馬池善舞獼猴徒跳盪能言鸚鵡亦

支離祇應鶯嶺峰頭石却悔飛來竺國時

方袍瀟灑角巾偏纔上紅樓又畫船脩竹便娟調鶴

地春風蘊藉養花天蝶過柳苑迎丹粉鶯坐桃堤候

管絃可是承平好時節湖山容易著神仙

匿匪湖山錦繡窠血風殺氣入偏多夢兒亭裏屯戈
甲教妓樓前掣駱駝粉蝶作灰猶似舞黃鶯避彈不
成歌嘶風渡馬中流飲顧影趨起怕綠波

豈獨湖山笑突如珠林寶網亦丘墟消沉泡幻看金

鯽六和塔池金鯽魚滄浪東坡警策浮生聽木魚藕

孔刀兵三劫熾今說禪者皆波旬蓮花刺漏六時疎

於今頂禮雲栖老擁衛人天五百餘宗鏡開堂余以

為施此詩

天地為籠信可哀南屏舊隱謫仙才遺廬尚有孤花

在弔客徒聞獨鶴迴漬酒青鞵寒宿莽題詩紅袖拂

荒苔

草衣道人詩

太平宰相曾招隱矯首雲霞

海上來

記費銘山南屏訪太初事

東海桑田事豈誣藏舟夜壑本良圖摸金山欲移三

竺蒸土陂應決兩湖西湖有裏外湖得云兩湖地媪荒涼憂竭澤

波神虜促怨投珠不知繫纜江頭石曾見秦人築塞

無

冷泉淨寺可憐生雨血風毛作隊行羅刹江邊人飼

虎女兒山下鬼啼鶯漏穿夕塔烟烽影飄瞥晨鐘鼓

角聲夜雨滴殘舟浙瀝不須噩夢也心驚

建業餘杭古帝丘六朝南渡盡風流白公妓可如安

石蘇小湖應並莫愁戎馬南來皆故國江山北望總

神州行都宮闕荒烟裏禾黍叢殘似石頭有人問建業云吳宮

晉殿亦是宋行都矣感此而賦

珠衣寶髻燕湖濱翟茀貂蟬一樣新南國元戎皆使

相上廳行首作夫人紅燈玉殿催旌節畫鼓金山壓

戰塵粉黛至今驚夜帳可知豪傑不謀身見周公謹羅大經諸

書亦南渡西湖盛事

冬青樹老六陵秋慟哭遺民總白頭南渡衣冠非故

國西湖烟水是清流早時朔漠翎彈怨它日居庸宇

喚休白翎杜宇事具元史及草木子諸書苦恨嬉春鐵崖叟錦兜詩報

百年愁

鐵崖嬉春詩用錦兜押韻

茫茫禹跡有風塵最喜杭州土俗淳閉戶儒生推玉

曆開堂禪子祝金輪青衣苦效侏離語紅粉欣看回

鶻人底事兩朝崇少保高墳棹楔尚嶙峋

罨畫西湖面目非峰巒側墮水爭飛雲莊歷亂荷花

盡月地傾頽桂子稀鶯斷麴裳思舊樹鶴髯丹頂悔

初衣今愁古恨誰消得只合騰騰放棹歸

東歸漫興六首

經旬悔別絳雲樓衣帶真成日緩憂入夢數驚嬌女

大看囊長替老妻愁碧香茗葉青磁碗紅爛楊梅白

定甌此福天公知客與綠章陳乞莫悠悠

警枕殘燈對小舟聞將心曲語江流昔遊歷歷歸青
史老眼明明貫白頭鳩聚鵲喧憑博局龍拏虎擲倚
神謀長年似與更籌約啼絕荒雞發權謳

祭戟森嚴禮數寬轅門風靜鼓聲寒據鞍老將三遺
矢分闡元戎一彈丸戲海魚龍呈變怪登山烟火報
平安腐儒篋有英雄傳細雨孤舟永夜看

林木池魚灰燼寒鴛湖恨水去漫漫西華葛帔仍梁
代南史任昉子西華流離不
能自振冬月着葛帔練裙東市朝衣尚漢官白鶴
遄歸無石表金雞旋放少綸竿舊棋解覆惟王粲東

閣西園一鄂看過南湖望勺園悼延陵君而作
其子貧薄故有任西華之歎

水跡雲踪少滯留拖烟抹雨一歸舟雖無桃葉迎雙
槳婦屬買
婢不得恰有蘭花載兩頭古錦裹將唐百衲買得
張老

頌琴蓋
唐斷也行宮拾得宋羅喉宋景靈宮以七夕設摩
羅喉今市上猶驚之孺
人稚子相勞苦一握歡聲萬事休

不因落薄滯江干那得歸來盡室歡巷口家人呼解
帶牆頭鄰姥問加飡候門栗里天將晚秉燭羗村夜
向闌簷鵲噪乾燈穗結笑憑兒女話團圓

感歎勺園再作

曲池高館望中賒燈火迎門笑語譁今舊人情都論

雨暮朝天意總如霞園荒金谷花無主巷改身衣燕
少家惆悵葵門老賓客停舟應不是天涯

葵歸以酒炙餉韓兄古洲口占為侑

好事何人問子雲一甘逸少與誰分酒甜未許輸香

蜜炙美真堪遺細君大嚼可須回白首淺斟猶憶醉

紅裙兄高年好談風懷舊事暗窓飯罷摩雙眼硬紙黃庭向夕

曛兄家藏楊許黃庭楷書日撫數紙

書夏五集後示河東君

帽簷欹側漉囊新乞食吹簫笑此身南國今年仍甲

子西臺昔日亦庚寅阜羽西臺慟哭亦庚寅歲也聞雞伴侶知誰

是畫虎英雄恐未真詩卷叢殘芒角在綠牕剪燭與

君論

牧齋有學集卷三終

牧齋有學集卷三

牧齋有學集卷四

絳雲餘燼集上

湖上送孟君歸甘州二首

刮面寒風掠鬢絲湖干尊酒不堪持豈應滄海揚塵

日重話蓬萊獻賦時

君好談予制舉文字故及之

玉笋班行空點

鬼金甌將相總輿尸霸光一老頭如雪映帶麻衣泣

路岐

才歌伐木又驪駒執手慚騰雜涕洟奔赴見星仍漢

汰送歸臨水亦湘纍別筵忍唱甘州曲故國誰看原

廟碑爲我因風謝高掌莫隨河曲漫遷移

故司禮盧太監

盧舊官司禮神宗時屬鄭貴妃名下今管織造于杭

列宿由來帝座旁星移斗轉却輝煌每餐絳雪朝金母曾捧紅雲侍玉皇西北筐筐新組織東南杼軸舊輸將知君補衮心千里并與山龍貢上方

方菴詩為心函長老作

方菴云何方將無與圓耦方菴如方器方空體非有見方復見空方空相雜蹂譬如眼中花發青瞪視久方菴空堂宇方器空尊鹵方以大小別空有舒縮否又如隙中人窺日在戶牖築牆限虛空虛空了不受方器規作圓圓方不相守空體無方隅逐彼方圓走方空定何方圓空向誰取方空與圓空天眼豈能剖大地浮空水浮沉判高厚人生玄黃中方圓互擊掙顛倒生分別鼠穴銜窠藪佛言頻伽瓶塞空擊以手持空餉遠國携取還相扣貯空豈非愚顛倒徒抖擻瓶空一切空君其問瓶口我作方菴詩用告方菴叟無將大虛空迷方貯瓶缶

讀梅村宮詹豔詩有感書後四首

有序

余觀楊孟載論李義山無題詩以為音調清婉雖極穠麗皆託於臣不忘君之意因以笑語風人之旨若韓致堯遭唐末造流離閩越縱浪香奩亦起

興比物中寫托寄非猶夫小夫浪子沈湎流連之
云也頃讀梅村宮詹艷體詩見其聲律妍秀風懷
惻愴於歌禾賦麥之時爲題柳看花之句傍徨吟
賞竊有義山致堯之遺感焉雨窻無侶授筆屬和
秋蛩寒蟬吟噪啁晰豈堪與間關上下之音希風
說響乎河上之歌聽者將同病相憐抑或以爲同
牀各夢而輾爾一笑也時歲在庚寅亥冥之小春
十五日

上林珠樹集啼鳥阿閣斜陽下碧梧博局不成輸白
帝聘錢無藉貫黃姑投壺玉女和天笑竊藥姮娥爲
月孤淒斷禁垣芳草地滴殘清淚殺靡蕪

靈瑣森沉宮扇迴屬車輾轆殷輕雷山長水濶欺魚
素地老天荒信鴉媒袖上唾成看紺碧夢中泣忍作
瓊瑰可憐銀燭風添淚畱取高僧認劫灰

撾鼓吹簫罷後庭書幃別殿冷流螢官衣蛺蝶晨風
舉畫帳梅花夜月停

蛺蝶衣梅帳皆
天寶近事

銜璧金缸憐旖旎

翻堦紅藥笑娉婷水天閒話天家事傳與人間總淚
零

銀漢依朕戒玉清行宮香燼露盤傾石碑銜口誰能
語碁局中心自不平襖日更衣成故事秋風紈扇是

前生寒窻擁髻悲啼夜暮雨殘燈識此情

京口渡江有寄

春陰和雨黯孤舟歷歷津亭抵夢遊芳艸未知爲客
意暮雲偏領渡江愁驚沙望裏蕪城賦畫角飄來萬
歲樓寄語半山堂上客壺觴還似舊風流

廣陵登福緣佛閣四首

危樓切太空塵壒俯冥濛度世香燈裏降魔應器中
上方三界在八表一雲同鈴鐸人天語如聞替戾風
黯黯經時雨荒荒有漏天豈能霾日月還與滌山川
一炬幽火千門柝木烟催歸松漠鳥啼到相輪邊

獨自層樓上偏於象緯親輪中迴日月規外撫星辰
北戶風霜急南柯國土真高高天眼在憑攬析微塵
冥晦乾坤戶迷方向去從禪枝迎怖鴿鉢水候眠龍
鐵浴兵前雨銅崩劫後鐘霧山殊未散清夜禮金容
辛卯春盡歌者王郎北遊告別戲題十四絕句
以當折柳贈別之外雜有寄託諧談無端隱謎
間出覽者可以一笑也

桃李芳年冰雪身青鞋席帽走風塵鐵衣毳帳三千
里刀軟弓欹爲玉人

官柳新栽輦路傍黃衫走馬映鵝黃垂金曳縷千千

樹也學梧桐待鳳凰

時聞燕京郊外夾路栽柳

紅旗曳製倚青霄鄴水繁花未寂寥如意館中春萬

樹一時齊讓鄭櫻桃

簞簞休吹蘆管暗金尊檀板夜沉沉莫言此地無鸚

鵲乳燕雛鶯到上林

多情莫學野死央玉勒金丸傍苑牆十五胡姬燕趙

女何人不願嫁王昌

壓酒吳姬墜馬粧玉缸重碧臘醅香山梨易栗皆凡

果上苑頻婆勸客嘗

閣道雕梁雙燕棲小紅花發御溝西太常莫倚清齋

禁一曲看他醉似泥

王郎云此行將倚龔太常

可是湖湘流落身一聲紅豆也沾巾休將天寶淒涼

曲唱與長安筵上人

邯鄲曲罷酒入悲燕市悲歌變柳枝醉覓荆齊舊徒

侶侯家一嫗老吹篴

憑將紅淚裏相思多恐冬哥沒見期相見只須傳一

語江南五度落花時

此下共五首寄侯家故妓冬哥

江南才子杜秋詩垂老心情故國思金縷歌殘休悵

恨銅人淚下已多時

灰洞溟濛朔吹哀離魂嘿嘿繞蘇臺紅香翠煖山塘

路燕子楊花並馬回

范石湖云溪南燕北謂之灰洞

春風作態棟花飛清醪盈觴照別衣欲我覆巾施梵
咒要他才去便思歸

左右風懷老旋輕捉花

田絮漫多情白頭歌叟金禪

老彌佛燈前詛汝行

錫山雲間徐老

題金陵丁老畫像四絕句

輦轂繁華雙鬢中太平一曲舊春風東城父老西園
女共識開元鶴髮翁

髮短心長笑鏡絲摩娑皤腹帽簷垂不知人世衣冠

異只道科頭岸接離

倚杖鍾山看落暉人民城郭總依稀閒揩老眼臨青

鏡可是重來丁令威

獨坐青溪炤鬢絲小姑何處理蛾眉畫師要著樊通

德難寫銀燈擁髻時

石濤上人自廬山致蕭伯玉書於其歸也漫書

送之

兵火勾連問訊疎浮囊傳致比雙魚分明已歷塵沙

劫還道人間隔歲書

兵塵不上七條衣刀劒輪邊錫杖飛五老棲賢應有

喜昆明劫外一僧歸

物齋有學集 卷四
白社遺民剩阿誰顛仙何處坐圍棋天池御碣渾無恙多謝天龍好護持

五乳峰前舊影堂依稀蓮漏六時香若爲化作軍持

去午夜隨師入道場憨山大師舊住五乳余之本師也

禪榻茶烟一病身春風時爲掃凝塵頻伽瓶裏無餘物只合擎空餉遠人

多生無着與天親七日同爲劫外身飽喫殘年須努力種民天種不多人

國土依朕兵燹叢清齋冥對落花風陶輪世界頻來往只在維摩手掌中

縹囊細帙劫灰中火發瞿曇報宅空拋却此間文字

海願隨龍勝到龍宮伯玉囑上人問訊刻藏因緣故云

紀歷何須問義熙桃源春盡落英知北窓大有羲皇地閒和陶翁甲子詩

歌舞西園闕好春春浮絲竹也生塵諸天宮殿皆灰

燼帝釋何當喚樂神春浮伯玉家園也

松圓長老罷論詩寂寞春暉舊履綦記取摩娑銅狄

處雒陽城北未多時伯玉往寓春暉詩孟陽論詩累月

滄海於今果橫流誰憑快閣覽神州三間老屋東西

住儘着元龍在上頭還須憑快閣極目覽神州此癸未歲別伯玉詩句三間老屋悠

悠視陰吾輩今日堪著
元龍百尺樓也嗟嗟

回首東亭首重持
望衡對宇定前期
呼鷹臺畔頻寒食
可憶龐家上冢時

東海揚塵未暫停
餘杭新酒指銀瓶
蕭郎若肯携家住
又是方平過蔡經

石濤開士自廬山致伯玉書于其歸作十四絕句
送之兼簡伯玉非詩非偈不倫不次聊以代滿紙
之書一夕之話若云長歌當哭所謂又是
一重公案也辛卯三月蒙叟弟謙益謹上

贈新建喻嘉言

公車不就幅巾徵
有道通儒梵行僧
習觀湛如盈室水
煉身枯比一枝藤
嘗來草別君臣藥
拈出花傳佛

祖燈莫謂石城還
遯迹千秋高獲是良朋

高獲遠逝江南卒于

江南見後漢書方技傳

送汪雲卿歸楚口占二首

與君頻作別此別最酸辛
率土無寧宇餘年少故人
老還期見面窮豈忘交親
萬事愁眉外長歌莫損神
自古荆湘地英雄互攬拳
車徒推二廣子弟說長沙
羊陸名何有孫劉跡未賒
看君臙脚在垂老不須嗟

哭稼軒一百十韻

師弟恩三紀君臣誼百年
哀音騰粵地老淚洒吳天
殺氣南條急流氛北戶
纏行宮踰越嶠留守限靈川

已下敘失守倉卒聞風潰逡巡厝火然操戈乘內間

殉難之事解甲起中權捲土心仍壯憑城誓益堅喧呼齊辮髮

奮擊祗張拳刀鋸徒為爾冠裳正儼狀歸元髯上磔

嚼齒爪中穿荀偃含猶視張巡起欲旋揚揚神不亂

琅琅語爭傳徒抱銜鬚痛誰能啣血憐已下敘聞訃為位之事

傷心寢門外為位佛燈前一慟營魂遠三號涕泗漣

脩門歸漠漠故國望惻惻虞殞歌休矣巫陽筮與焉

吳羹悽象設楚些愴蟬聯魂復新遺矢神棲舊坐氈

靈衣風肅肅幽笑雨濺濺清夜前除酒明燈近局筵

逢迎傷剪紙送別忍燒船黃鳥身其百青龍歲半千

四遊餘渺莽八翼罷騰騫飛鐵兵輪重為銅物冶全

庚寅徵覽揆辛卯應災躔君生于庚寅甲子一周而終故引庚寅以降之詩其

聞訃辛卯夏也故引朔日辛卯之詩皆假借使之也劍去梧宮冷刀投桂水煎

訓孤宵叫笑嬰紉晝連蜷鬪澗龍傷血崩崖蜃吐涎

是夏虞山有出蜃之異已下敘其戊辰後歸田燕遊之事拊心看迸裂彈指省轟

闐攀附龍門迥追陪鶴蓋連園林歸綠水屋宇帶紅

泉一飯常畱客千金不問田以忙消塊壘及暇領芳

妍日落邀賓從舟移沸管絃丹青搜白石杖履撰松

圓君好藏白石翁畫于程又有師資齒馬成吾老童

之敬已下敘其少壯受經之事烏憶汝賢兔園溫句讀蛾子學丹鉛枕膝應傳喜登

樓獨許玄

已下敘其登朝貶謫及牽連下獄之事

青春憑驥鬣白首託

夔眩桃李西江宰梧桐左掖員裂麻心膽赤恤緯髻

毛宣北寺偕書獄西曹互豪儻朱游和藥切黃霸授

經專

已下敘甲申喪亂之事

銅馬神州沸金雞密網蠲甘陵錄

牒寢元祐黨碑鐫北闕驚傳火東郊狎控弦帝車俄

運轉天步久迤邐

余與君以甲申三月初十日同日賜環

鰲足傾三極

龍湖斷八埏關山留北顧宗祏寄南遷

已下敘乙酉歲開府廣西

遇亂擁立之事

江左朝廷小交南節鉞偏風雲天路偏翼戴

本支綿宗澤回鑾表劉琨勸進箋嶺邊求日月規外

別坤軋翼軫開營壁湘灘抵澗瀝隻身支浩劫赤手

捧虞淵插羽鉤庸蜀分茅餌益滇黃儂羅種落邕桂

簇戈鋌青犢烏仍合紅巾螳並緣反王收魏豹別將

置梅銷白象扶丹轂烏蠻曳綵旃廬兒宿衛直廝養

徹侯駢書詔行營裏除官御覽先兩宮湯藥使中禁

洗兒錢

已下重敘庚寅冬失守殉難之事

一旅基將肇三分業未竣

連雞昏蚌蛤啞虎玩蠅虻畫地翔河鳥嬰城墜紙寫

執冰嘻狒狒投縋引蠕蠕履善窮江表庭芝殉海嘖

誓言申決絕望拜告精虔目裂光如炬骨藏血化殷

花門斃面哭藤峽枕尸還青草迎飛旄黃茅擁過輜

虛祠包箬飯峒祭卜筵筭故隴虞山似

桂嶺亦有虞山新愁

桂嶺牽

用張平子四愁桂林之語

丹心石路折皓魄火雲鮮盡說

南朝李何慙東海田鑄金身故在刺木首非捐烈烈

羞祈死淹淹笑祝延

已下重言雜敘做天問大招之意

葭灰陽解駁

火井燄浮烟錯莫嘶泥馬分明叫杜鵑朔方唐故事

綸邑夏前編率土誠延佇敷天忍棄捐雲旗翻畢口

星矢直狼肩壁壘分行陣雷風合弭鞭白山崖倒側

黑水浪平填鶉尾南迴越旄頭北指燕誓師三后所

飲御五車邊改葬新班劔輿尸故馬羈羽林分綬綬

麟閣列貂蟬畫壁雕戈動祠堂兕甲縣傳芭歌杳杳

薦荔鼓齎齎宿列還箕尾

其先人學憲公名字皆取象傳說星也

星祠

配女媯

其夫人先殂于桂

五陵齊剪棘雙廟並加籩

督師侍郎張公

同敵抗罵不屈同日被害故太師江陵文忠公之孫以門蔭起家已下結敘哀免悼之詞

後死身

餘幾先生腹尚便不成升屋哭彌想對牀眠單子畱

形影淒涼度陌阡雞窠言髣髴蛛匣字蜿蜒西第花

猶發東臯草欲芊經過光景眩識路夢魂顛太息看

梁棟沉吟仰屋椽移山誰負畚蹈海可乘扁守器紆

奔問餘皇肆泝沿祝余雙淚涸將伯寸心痛長夜歌

將闕窮塵恨始湔蕩陰三士詠蜀國八公篇鄉夢憑

溫序哀詞屬馬汧降神天意遠養士國恩綿汗竹新

書史澆花近掃阡明明老眼在拭目向空玄

東陸兆登二兄問疾

清齋服散比如何詩律書籤可折磨庭葉喻身知幻
少意禽說恣苦空多落花風入茶烟細擣藥聲依棋
響和自笑衰翁但求食中時頻欲詣維摩

孟陽冢孫念修自松圓過訪口占送別二首

松圓孫子見扶牀執手驚看似我長有幾故人今宰
木無多世界又滄桑何年漬酒澆丘壠舊日題詩漫
草堂已悟前塵知影事臨風收却淚千行

禪榻書牕面石城香燈茶碗記逢迎朝陽有客尋閒
詠落日何人看耦耕碧血夜臺應面慰絳雲灰却定
魂驚千愁萬恨從鈎鎖棖觸今朝爲汝行

奉常王烟客先生見示西田園記寄題十二絕句

天寶繁華噩夢長西田茅屋是西莊最憐清夜禪燈
畔村犬聲如華子岡
竹暗花明斷劫灰夕陽多處艸堂開湘簾蕩日春風
卷依舊烏衣燕子來
香稻菴前穉榿香秋原天外耦耕堂閒來判斷人間
事只有爲農氣味長

池亭花木轉清鮮玉石從教崑火然可是寂光長住

上不同變壞惱諸天

江岸縈迴籬落斜相門何異故侯家郊原初得嘉賓
會自擷東陵子母瓜

縹囊玉軸亞朱闌若酒吳羹竟日歡好事客來頻看
畫不將寒具列盤餐

列檻虞山近可呼野烟村火見平蕪閒窗潑墨支頤
坐自寫秋懷落葉圖

闕閣香燈小築幽金函神祖御書畱吉祥雲海茅茨
裏長涌神光鎮斗牛

滄海波如古井瀾圮橋流水去漫漫世人苦解人間

事家世紛紛說相韓

尚璽東華夢斷時軟紅塵土正迷離藥欄大有翻堦
藥畱與春風印紫泥

綠水紅蓮卽鳳池朝陽刷羽競長籬梧桐百尺饒雞
樹要宿從他揀一枝

標峰置嶺看參差幻甚丹青畫裏詩還向右丞叅坐
偈水窮雲起坐行時

京口觀棋六絕句

爲梁谿奕師
過百齡作

圍手今觀袖手時三山秋老髯成絲明燈相照渾如
夢空局悠朕未有期

八歲童牙上弈壇白頭旗纛許誰千年來覆盡楸枰
譜局後方知審局難

青油載弈師東山太傅許追隨風流宰相清平

世誰識沿邊一着棋

記福清葉文忠公事

渭津方罨擅長安紗帽褒衣揖漢官今日向君談古
事也如司隸舊衣冠

狠石千年局已陳孫劉只合賭侵分不過幾着粗能
了賺殺人間看弈人

金山戰罷鼓桴停傳酒爭誇金鳳瓶此日江山紆白
髮一枰殘局兩函經

寄懷嶺外四君詩

金道隱使君

金投曹溪爲僧

朔雪橫吹銅柱殘五溪雲物淚汎瀾法筵膈食仍周
粟壞色條衣亦漢官畢落禪枝除鴿怖多羅佛鉢護
龍蟠菰蘆一老香燈畔遙祝金輪共夜闌

劉客生詹端

桑葢重重捧日年橫經演浩已流傳叔皮河隴虛推
命越石幽并枉抗箋蜀國有烟噓火井秦庭無淚洒
冰天鍾山舊日追遊地金粟堆前叫杜鵑

姚以式侍御

論交直並紀羣看隔歲音書蠟紙殘
捧日君能依北戶臨風我自滯南冠
三湘天轉紅雲近八桂風迴白簡寒
衰晚尚期持斗酒屬車塵下候回鑾

詠東臯新竹寄畱守孫翰簡

笋根苞粉尚離離裂石穿雲嶺外知
祖榦雪霜催老節孫篁烟靄護新枝
紫泥汗簡連編綴青社分符奕葉垂
昨夜春雷喧北戶老夫欣賦籜生詩

嘉禾訪梅溪大山禪人四絕句

虎落橫斜瓜豢繁望窮竹徑始知門
若非亭午齋鐘出錯認陶家栗里村

一坐依朕小刼成蓮花漏裏六時更
石林盡日看花雨才到人間是甲兵

殘生何意款禪扉白犬青猿昔夢違
鄒魯冠裳凋落盡此中還有七條衣

青青竹色覆窗楞相對閒看紙穴蠅
莫怪機鋒都未接老夫原是啞羊僧

吳巨手卮齋詩

嘉禾城頭陣雲黑宣公橋上飛霹靂
南湖春水漲綠波骨拒骸枝血流赤
人民城郭總萋迷華觀瓊臺長蒺藜
幾家高戶無蛛網是歲空梁少燕泥
吳生卮齋

朱五兄藏名酒肆自號陶欣余爲更之曰逃禪
戲作四小詩
只尋丈卮字闌干獨無恙取次縹囊結古香依朕墨
沼翻雲浪人言兵燹旁午時簾閣欄楯光陸離卽看
雲物常虧蔽或有天龍好護持我聞如來妙心海吉
祥卮字雲鬣鬣放光常使地獄空閱世何憂市朝改
君觀胸中卮字無摩醯三眼認天樞天上應無逃劫
地人間那得辟兵符

朱五兄藏名酒肆自號陶欣余爲更之曰逃禪
戲作四小詩

茫茫持耳翁落落攢眉友欲逃東鄰禪聊止南村酒
布袋爲世界米汁是好友會逃彌勒禪肯醉聲聞酒
投壺笑玉女採花嗔惡友且逃天宮禪莫釀修羅酒
金粟是爾身青蓮亦好友長逃酒肆禪誰沾夜臺酒

胥山草堂詩爲徐次桓作

我歎嘉禾徐亦于書生口欲吞玄菟蠅頭自寫治安
策牛背偏懸長白圖一朝旅病無端死自笑身亡合
汗喜陰符蛛篋殉泉臺秋卷牛腰付兒子有子長貧
手一編腰鎌負米婁江邊每循伍員耕時野自種要
離墓畔田胥山草堂困沮洳墨藩書籤氣軒翥批風
抹月時出遊兒啼婦呻且歸去胥江水接浯溪湄每
飯無忘劔渭思莫將鼓角風雲氣銷與香奩金粉詩

贈盧子繇

雲物關河報歲更寒梅逼坐見平生眉間白髮垂垂
下巾上青天故故明老去閒行聊種菜朋來參語似
班荆楞嚴第十應三遍已後東方雞後鳴

雲將老友納妾

詩人常爲燕鶯忙煖老初知燕玉良松柏同心憐永
夜桃花結子愛春陽含顰只益蛾眉好搔背何妨鳥
爪長劇喜錢翁年八百尚食雲母媚紅粧

壯遊贈顧南金

餘生殘劫共悽惶彈鋏欣狀笑束裝鐵鎖沉沙論虎
鬪樓船削枿認龍驤前期客有班荆好首路人誰贈
策長三國江山猶赤壁扣舷爲我問周郎

東臯老僧

春淡花柳隱東臯獨抱軍持護寂寥一室香燈塵刹
在六時梵唄劫輪銷枝頭怖鴿依林木鉢裏眠龍應
海潮天眼定中常不昧金輪時見鬼神朝

七十答人見壽

辛卯

七十餘生底自嗟有何鱗爪向人誇驚聞窳窳牀頭
蟻羞見彭亨道上蛙著眼空花多似絮撐腸大字少
於瓜三生悔不投胎處單飯僧坊賣餅家

牧齋有學集卷五

絳雲餘燼集下

和墨香秋興卷二首

成化中嘉興姚侍御公綬爲許進士廷冕題墨菊
卷周桐村鼎沈石田周張給事寧皆有詩屬和呂
太常憲二律尤佳太常諸孫天遺從市人購得寄
字索題敬次諸公韵二首以識仰止追盛世懷君
子采苓風雨良有感話云爾

白石銅村舊作家叢殘香墨似飛花流連文酒風心
正想像承平劫夢賒南國詞人矜麗藻東城父老說

繁華百年天地留詩卷極目雲烟過晚鴉

綈几奚囊賞鑒家橫牕卷軸對黃花即看殘夢爭言

好自說千金未許賒先友成弘同石表秋容籬落異

平華奉常佳句君能詠一看南山色似鴉

是奉常詩落句

天遣家籬菊盛開邀諸名士作黃花社奉常公

墨菊卷適歸几上諸子倚原韻賦詩題曰東籬

秋興而屬余和之

占斷秋光是汝家清尊雅奏為籬花佳賓自至何煩

約笑口常開不用賒酒盞潤如分露液墨池燥即起

雲華吟成却指疎桐樹不宿黃昏接翅鴉

版屋衡門故相家義熙時節種陶花東籬視昔依朕

好白髮於今沒處賒小築楯欄香國土平分月令晚

芳華劇憐半樹梧桐影池上離襪噪晚鴉

呂為故相文懿公後

故有池上鳳毛之歎

題僧卷

雪被氷牀雲水隈歟關生斷不曾開驀朕豆子爐中

燖笑撥星星一點灰

壽丁繼之七十四首

左右風懷七十年花枝酒海鏡臺前每憑青鳥傳書

信不欠黃姑下聘錢無事皺眉常自慰有人擁髻正

相憐笑他丁令千年後化鶴歸來勸學仙

龍漢分明劫外年燈樓酒舫赤闌前琴尊自可爲三友花月何曾費一錢畱客恰宜邀笛步當歌最愛相夫憐案頭老蠹休相笑食字春蠶豈是仙

曲踊橫奔倚少年金丸玉劔萬人前淳于正合傾三斗鄭尉何曾值一錢望眼刀頭青鏡在吞聲江曲白頭憐知君不羨還丹訣俠骨飛騰卽劔仙

白下藏名七十年博場酒肆笛牀前傳來建業三臺曲畱得開元半字錢蔭藉金張那可問經過趙李總堪憐繫腰莫笑吾衰甚雲母餐來共作仙

甲午春日觀吳園次懷人詩卷愴然有感次韻

二首

誰憑龍漢問編年轉眼分明浩劫前無藉每思邀帝博長貧只合貰天錢石言晉國寧非濫鶴語堯時劇可憐渡海踰河都未了不如拔宅去登仙
銅人流淚自何年歷歷開元在眼前海上浪傳千歲藥民間猶使五銖錢綠絲有繭春蠶老曲樹無條尺蠖憐脉望只應乾死盡莫將食字學神仙

次韻贈趙友沂四首

楚史三墳博平威再世廉文心呈浩蕩詩律闡精嚴

物類有學集 卷五
道以纓爲紀交將素比縑看君躍馬意寂寞笑郎潛
長懷天育馬肯坐騎 韉籌策紆三嘆論詩只數篇
連城歸白壁清廟叶朱絃信宿猶爲客休嗟入維年
擇本偏宜讓名泉亦取廉斷金資臭味沉水證香嚴
世變謀衷甲天寒惜被縑滄江嗟歲晚一任老夫潛
峻堞飛鸞紙崇山積馬羈乾坤三外刼詞賦七哀篇
才老精金冶心危促柱絃壯遊人所羨冠劍是丁年

次韵贈別友沂

餘生老無徒彳亍困行旅髡紺疑薙劑壞服覓儔侶
昔遊謝王貢末契結嵇呂夙心薄因依溫涼越書敘
未遑撫塵跡先期扞牧圉元龍豪湖海子先暗河渚
卽事不相爲逢集互矜許小刼混器界大園易端緒
志士惜雲雷古義敦贈處一翁輕少陽男子重文舉
中和叶神聽孤子倚天與吾子視後鞭老夫識退茹
愧無繞朝策投筆返村墅

爲友沂題楊龍友畫冊

楊生倜儻權奇者萬里驍騰渥洼馬雙耳朝批貴筑
雲四蹄夕刷金支野空坑師潰縉雲山流星飛兔不
可還卽看汗血歸天上肯餘翰墨汗人間人間翰墨
已星散十幅流傳六丁歎披圖礪岫幾重掩過眼烟

嵐尚凌亂楊生作畫師巨狀隱囊紗帽如列仙大兒
聰明添樹石侍女窈窕皺雲烟憶昔龍蛇起平陸奮
身拚施烏鳶肉已無丹燐併黃土况乃牙籤與玉軸
趙郎藏弄細帙新摩娑看畫如寫真每于剩粉殘縑
裏想見剗肝化碧人趙郎趙郎快收取長將石壓
■撫莫令匣近親身劒夜半相將作風雨

武陵觀棋六絕句

簾閣蕭閒看弈時初和清露又前期且看試手思新
着莫向殘燈悔舊棋

滿盤局面若爲真賭賽乾坤一番新有客旁觀須著
眼先知審局定何人

黑白分明下子時局中兩兔已雄雌世間國手知誰
是鎮日看棋莫下棋

一着先人更不疑侵邊飛角欲何之鴻溝赤壁多前
局從古原無自在棋

小謝賓朋珠履多後堂棋局應笙歌可知今日鵝籠
裏定有樵人爛斧柯

太白芒寒秋氣澄楸枰剝啄閃殘燈袖中老手還拏
撇只合秋原去霄鷹

寄湖州官使君兼簡聖野

白蘋州水淨琉璃正是亭臯葉下時午夜使君能對
客癸亭才子共題詩清茗風物宜茶事下若戈鋌似
酒旗擬傍京真青箬笠鷗波先與託微詞

伏波弄璋歌六首

天上張星照海東扶桑新湧日車紅尋常弧矢那堪
掛自有天山百石弓
醜酒椎牛壁壘開三軍大嚼殷如雷百年父老爭歡
笑曾喫誰家湯餅來
汗血名駒蹴踏行白眉他日笑書生虎龍變化誰能
料玉雪家兒似北平

開天金榜豁鴻濛越國旌旗在眼中百萬嫠民齊合
掌玉皇香案與金童

龍旗交曳矢頻懸綉祿金盆笑脅駢百福千祥銘漢
字浴兒仍用五銖錢

克閭佳氣溢長筵孔釋分明抱送年授記不須尋寶
誌老夫摩頂是彭錢

壽馮雲將八十

湖山安隱鹿麋羣映雪堂前夜壑分耆舊仍推鄉祭
酒其尊人故祭酒公也風流猶說小馮君笙歌北里尊前月松
柏西陵夢裏雲灰劫相存贏得在白頭祇合醉紅裙

八十長筵燕笑時
烏紗巾下剩鬚眉
平生心跡爲雲
將老去風懷倚雪兒
紅藥鬪雞金距在
青樓拊馬玉
鉤知投竿大有飛熊想
莫訝斯干吉夢遲

題孟陽畫扇

相逢馬上人
眉間帶晉楚
勒馬指前林
欲共班荆語
送吳興公遊下邳兼簡李條侯

落花飛雨攪升溝
襪被奚囊感薄遊
寶劍千金吳季子
長城半壁漢條侯
高榆耕壘連滄海
淡柳書堂枕碧流
共語老夫應失笑
春深冒絮尚蒙頭

寄贈下邳李條侯二首

青箱白袷道衣閒
滿月雕弓手自彎
蠟屐遠尋婁敬洞
開窓近對子房山
白連滄海雲千疊
碧漫圯橋水一灣
書劍溪堂鞍馬客
夜淡燈火射潮還
下邳橋水浸黃沙
授履傳書跡未賒
按部風聲餘草木
雜耕心血長桑麻
畢箕夜雨悲烏屋
閭闔春風恥燕家
衰老不堪牀下臥
爲君西笑向天涯

李太公壽

甲子題詩歲月長
遺民杖屨道人裝
雞豚近約東西社
湖海平分上下牀
酌酒開顏看梓漆
停杯蒿木歎滄桑
赤松黃石皆仙侶
進履橋邊問子房

爲戒香小師題扇

蕭寺僧雛髮初剪風味惺忪意婉變未曾燈火課汰
華乍向書窓讀文選文選中多月露詞何當媯亂小
沙彌休耽宋玉江南賦且記頭陀古寺碑

吳期生金吾生日詩二首

繞膝才稱八十觴長筵羅列又成行先朝第宅尚書
場小弟班聯御史牀甲子趨庭隨絳縣庚申侍寢直
丹房樵陽屢趣登真會定在蘭亭禹廟旁
錦衣闕下靖行時秘策家傳玉帳奇馬沃市場餘首
藉婢膏北婦剩燕支劔花芒吐耶溪曉箭竹風生射
的知春酒酌來成一笑黃龍曾約醉溪卮

陳子永母曹氏壽詩

玉雪蘭風轉畫屏綵衣迴薄柘枝停斗南共指賢人
聚芒翼都依婺女星

玉山金母樹槐新花月亭前遠戰塵身坐寂光安隱
土十年劫火不知聞

長筵繞膝話熙朝晚院花磚光景遙最是日華仙掌
露萬年枝上不曾消

鴛湖水淨月波清映望江河鼓明拜罷壽筵朝太
乙五雲多處祝昇平

龔孝升四十初度附詩燕喜凡二十二韻

一氣乘箕裏三辰戴斗邊上卿占月省執法麗星躔
獨坐中台肅雙藤闔戶懸黑頭三事少白筆四聰占
報曉雞人罷成陰鶴蓋聯游河五緯並降昴一神偏
天老論塵數雲椿記小千上尊同馬湏御席列駝筵
地餅光常照天厨器自朕小紅花破臘重碧酒如泉
洞府徵嘉會靈簫倚宿緣眉傳京兆嫵曲奏相夫憐
鳥命頻伽共花心雜苑駢珠林香馥郁玉樹自嬋娟
閣道紅牆近天街碧落連霜生焚草筆春發夢刀篇
鳳爲棲鸞好蟾於顧兔圓耳璫噴放日壺矢笑連天

婉戀將雛母參差上樹仙卽看金作礪還似玉爲田
燕駕紆遊嬰鳴附祝筵終期饗斟雉甲子度堯年

郭河陽溪山行旅圖爲芹城館丈題

曾厓鐵樹開江關破墨沉沙尺幅間記得承平有嘉
話玉堂淡處看春山

題柳公春鳥圖

婀娜黃金縷春風上苑西靈禽能笑侶先揀一枝棲
甲午十月二十夜宿假我堂夢謁吳相伍君延
坐前席享以魚羹感而有述

天荒地老夢鴟彝故國精靈信在茲青史不刊亡郢

志白頭猶記退耕時
簫吹江上商飈發
潮漏胥門朔氣移
鄭重吳宮魚膾饗
寒燈一穗閃朱旗

聖野携妓夜飲淥水園戲題四絕句

銀燭明眉鬪夜光
喧喧笑語坐生香
春風十月花叢裏
閒殺烏啼半夜霜

糺酒頻將羅袖揮
觥船薌澤指橫飛
主人大有雷髡意
若箇瞪背不醉歸

百罰觥籌敢數遲
只憑眉語判深卮
吳宮我欲重教戰
要領吳娃作隊師

喚作梨雲夢不真
折花傾酒對窮塵
道人自向諸天

笑還有橫陳執手人

冬夜假我堂文宴詩

有序

嗟夫地老天荒吾其衰矣
山崩鐘應國有人焉於
是淥水名園明燈宵集
金閨諸彥秉燭夜譚相與
惻愴窮塵留連永夕珠囊
金鏡攬衰謝于斯文紅
藥朱櫻感昇平之故事
杜陵箋註刊削豕魚晉室
陽秋鐫除島索三爵既醉
四座勿諠良夜漸闌佳
詠繼作悲涼甲帳似拜
通天霑灑銅盤如臨渭水
言之不足慨當以慷
夜烏咽而不啼荒雞喔其相
舞美哉吳詠諸君既斐
朕成章和以楚聲賤子亦

慨狀而賦無以老髦而舍我他人有心悉索敝賦
以致師則吾豈敢客為吳江朱鶴齡長孺崑山歸
莊玄恭嘉定侯汭研德長洲金俊明孝章葉襄聖
野徐晟禎起陳島鶴客堂之主人張奕綬子拈韻
徵詩者袁駿重其余則虞山錢謙益也

甲午陽月二十八日

分得魚字

奇服高冠競起余論文說劔漏將除雄風正喜鷹搏
兔雌霓應憐獺祭魚故壘三分荒澤國前潮半夜打
姑胥古時北郭多才子結隱相將帶月鋤

歲晚顛毛共惜余明燈促席坐前除風烟極目無金

虎霜露關心有玉魚艸殺綠蕪悲故國花殘紅燭感
靈胥退耕自昔能求士慙愧荒郊自荷鋤

和金孝章

川來韻

故國過從意倍親天涯北郭昔時人文章溝壑存洪
筆戎馬江山剩角巾四壁霜風如浩劫一窓燈火話

窮塵寒梅破墨欣相贈笛裏南枝蚤放春

孝章詩後畫墨一

枝意有託也

和朱長孺

天寶論詩志豈誣蠱魚箋註笑侏儒西郊尚記麻鞋
往南國猶聞石馬趨事去金甌悲鑄鐵恩深玉匣感

鱗珠寒風颯拉霜林暮愁絕延秋頭白鳥長孺方箋註杜詩

和歸京恭

樗櫟餘生倚不材老顛風景只堪哀已拚身是溝中
斷未省心同劫後灰何處青蛾俱乞食幾多紅袖解
憐才後堂絲竹知無分絳帳還應為爾開是日女郎欲至戲以

和葉聖野

躍馬聞雞心事違相期晚晚定因依五湖蝦菜春來
好三月鶯花亂後稀語沸綠尊波作浪談淡紅燭淚
沾衣包山卽是仙源路莫漫緣溪悵快歸時有卜居包山之約

和徐禎起

老學依狀炳燭時杜詩韓筆古人師崑岡玉石吾何
有東海滄桑某在斯草野不忘油素約蕉園終見汗
青期請看典午陽秋例載記分明琬琰垂時諸君共商史事故

簡侯研德并示記原用歌字

當饗休聽暇豫歌破巢完卵為銅駝國殤何意存三
戶家祭無忘告兩河擊筑淚從天北至吹簫聲向日
南多知君恥讀王哀傳但使生徒廢蓼莪

贈陳鶴客兼懷朱朗詣用真字韻

雀喧鳩開笑通津橫木爲門學隱淪名許詩家齊下
拜姓同孺子亦長貧風前剪燭尊無酒雪後班荆道
少人却憶西陵有羈客荒雞何處警霜晨

贈張綏子

前韵

名園綠水履綦新取次盤飧笑語真戴笠經過看老
客荷衣出拜記留賓

往過異度泌園綏子尚羈貫十
故有遺山荷衣出拜之感

年宿艸猶今雨半壁殘燈似故人莫訝心期託年少
通家孔李更誰親

仲冬六日吳門舟中夜飲飲罷放歌爲朱生維

章六十稱壽

甲午

吳門朱生朱亥儔行年六十猶敝裘生來長不滿六
尺胸中老氣橫九州朝釐暮鹽心不省春花秋月身
自由席門縣薄有車轍臂鷹盤馬多俠游是時金閨
全盛日鶯花夾道連虎丘柳市金盤耀白日蘭房銀
燭明朱樓時時排場縱調笑往往借面裝俳優觀者
如牆敢發口黎園子弟歸相尤就中張叟燕筑最駘
麟橫襟奮袖髯戟抽鄰翁掃松痛長夜相國寄字哀
清秋金陵丁老繼之誇矍鑠偷桃竊藥筋力邁明夜
劉唐尺八腿拔衣濶步風颼颼王倩公秀張五穉昭
並婀娜迎風拜月相綢繆玉相交加青眼眩鸞篋奪

得紅粧愁朱生鼻兀作狡獪黔面髻髻衣臂鞢健媪
行媒喧剝啄小婢角口含伊嘔矮郎背弓擔賣餅牧
豎口笛尋蹊牛髻絲頰毛各有態搖頭掉舌誰能侔
吁嗟十載遭喪亂寄命朝夕同蜉蝣天地翻覆戲場
在干戈剝換顛毛雷老顛風景仍欲裂對酒歌哭庸
何郵瞥眼會過千歲劫當筵翻笑隔夜憂何妨使君
呼八騶跨坊綠幘戴紅兜下馬忽漫開口笑解貂裘
預秉燭遊吳姬錦瑟許共醉鄂君翠被邀同舟雜坐
何當禁執手一笑豈惜傾纏頭商女歌殘燭花冷仙
人淚下鉛水稠夜烏拉拉散列炬村雞荒荒催酒籌

午夜前期問櫪馬明朝樂事歸爽鳩朱生朱生且罷
休爲爾酌酒仍長謳張叟老丁齊七十老夫稍長亦
輩流兔鳥天上不相待雞蟲人世難與謀且掄王倩
長舞袖更轉張五清歌喉熨斗眉頭展舊皺漉囊囊
面開新篔清商一部娛燕幕紅粉兩隊分鴻溝急須
伴我醉鄉醉安用笑彼囚山囚

次日篝燈泊舟吳塔呵凍漫稿

贈盛子久

鏡裏顛毛笑汗青浮雲心事鶴身形金光共室常清
淨玉斧尋真自杳冥白氎驚僧分竹杖絳紗鹿女問

蓮經家山只在柴門外梵罷香銷看翠屏

燈屏詞十二首

贈龔太中丞

天河橫轉酒旗斜月駕青銀駐絳紗歌闋落梅人未
醉碧桃何事旋開花

神索風傳臺柏枝天街星傍火城移袖中籠得朝天
筆盡日歸來便畫眉

御席駝羹宣賜稀金盤行酒着珠衣笑他寒餓東方
朔自拔鸞刀割肉歸

換徵移宮樂句多玉簫風急渡銀河星娥月姊驚相
詰天上何人竊九歌

絡角星河不夜天花開花合不知眠小紅一片才飛
却却怪人問又一年

油壁青驄莫浪猜鸞輪倒景坐徘徊香風却載紅雲
下切勿利新看香市回

潑墨崇蘭泛曉霞石城玉雪漾平沙騷人香草休題
品此是西天稱意花

青瑣丹梯詰曲迴燈花交處見樓臺仙禽梵鳥紛如
織不涌身雲不入來

陽翟新聲換竹枝秋風紅豆又離披轉喉車子當筵
唱恰似儂家絕妙詞

壁月珠簾共一堂繁星列宿正低昂
只嫌舞袖弓腰闊尚是人間百戲場

醉鄉曲部總華胥唱月催花建鼓旗
贏得夜珠簾幙外諸天如雨細如絲

三月烟花玉蘂逢文章江左倚靈簫
不知誰度燈屏曲唱遍揚州廿四橋

次韵贈張燕筑

碧雲紅樹夢迢迢那有閒情付却腰
曾向天家偷壓笛親從嬴女教吹簫
一生花月張三影兩鬢滄桑郭四朝
多謝東風扶素髮春來吹動樹頭飄

曲江野老復何爲調笑排場顧影時
地上白毛如短髮天邊青鏡與長眉
秦淮明月金波在霧谷梅花玉笛知
秀嶺宮前歌一曲春風鶴髮太平期

芥閣詩次中峰蒼老原韻四首

讀書何似識拳頭老宿當機背觸幽
一粒須彌應看眼百城烟水好維舟
拂衣石盡憑誰數彈指門開不用謀
賸欲披襟談此事明燈落月正遲留
人世喧豺鏡裏頭閒園小閣貯深幽
翻風跋浪分千海暖日香雲隱一舟
于野鶴鳴將子和定巢燕乳爲孫謀
哭他世上長年者白晝攤錢自滯留

物齋有學集 卷五
舫齋平繫子城頭穴壁穿櫺架構幽返照閃紅翻雉
堞垂楊槎綠影漁舟盪雲決鳥從吾好駐月紆風與
自謀聘望卽應同快閣奔星飛約任勾留
公車不肯赴綃頭簾閣疎窻事事幽清曉卷書如繫
纜當風放筆似行舟遺民共作悲秋語禪侶長爲結
夏謀衰老不忘求末契憑闌真欲爲君留

題鄒臣虎畫扇

大癡吹笛度秦關鄒子仙遊又不還破墨烟巒餘黯
淡夕陽粉本在關山

浮嵐煖翠失連城漂墮今爲糞土英一角雲山留數
點爲君懷袖伴孤清

乙未秋日許更生扶持太公邀侯月鷺翁于止

路安卿登高莫釐峰頂口占二首

盪胸雲氣挾波濤彈指層湖萬頃遙却訝人間還有
地信知今日是登高點空晴嶼開眉目岫岫陽鳥見
羽毛眠底三吳塵土界滿城風雨定蕭騷

五十流年昔夢中

余與許翁別
五十年矣

登高錯莫御秋風整

冠那得雙蓬鬢吹帽休嗟兩禿翁九日茱萸殘劫火
百年藜杖倚晴空夕陽橋社龍歸處笑指紅雲接海

東

遊東山雨花臺次許起文韵

拂石登臺坐白雲重湖浦潏似迴文夕陽多處暮山
好秋水波時木葉聞京墓烟輕一點出吳江靄重片
帆分高空却指南來雁知是衡陽第幾羣

路易公安卿置酒包山官舍卽席有作二首

綠酒紅燈簇紙屏臨觴三歎話晨星刊章一老餘頭
白抗疏千秋託汗青龍起蒼梧懷羽翼鶴歸華表貯
儀型撐腸魄壘須中寫放箸捫胸拉汝聽

霜髯飄蕭念舊息郎君東閣重相存饑來羹餼偏忘
勸亂去清歌記斷魂故國湖山禾黍日秋風賓客孟
嘗門燈前戰壘經吳越范蠡船頭好共論

朱內翰開宴二首

飛樓縹緲面湖光罨畫青山枕畫廊內史舊分丹漆
筆嫖姚新試綠沉槍聽殘金鑰談因夢焚却銀魚入
戲場四者難并君自惜肯辭絲竹出中堂
十眉環列飲秋光未了寒暄趣命觴拍岸湖波翻綠
醕銜山日影逗紅粧看花禁奪繡經眼微燭防賒惱
客腸惜別且携殘夢去瞪骨歸路若爲長

送吳梅村宮諭赴召

清和黃葉滿平蕪月駕星輶肅首途病起恰逢吳八

月賦成還比漢三都香爐烟合朱衣在宮扇雲開玉
佩趨花院槐廳多故事早傳音信到菰蘆

虎丘舟中戲爲張五穉昭題扇得絕句八首穉
昭少年未娶不肯席帽北遊故詩及之

便面風流柳市知春心顧影問腰肢綠沉漆管餘蛾
綠漫與東家畫十眉

蕙質蘭心桃李年袂衣迎臘未裝綿儂家舊住天河
上不比牽牛會貫錢

歐骨虞筋寫硬黃白團紈扇墨衣香笑他弱腕奴書
子簇簇簪花學女郎

輕紅攬袴拂盧眠蘆酒朝醺夜數錢紙帳梅花檀板
月夢魂不到黑山邊

紅袖青衫匝匝時鶯喧花妥燕差池中張五看誰
是玉樹臨風只一枝

霜風午夜靜寒林何處柔和轉妙音五百仙人齊省
記多生於此失禪心

昵枕羅衣袖許長餘干傳得口脂香從君煖老思燕
玉只合溫柔是此鄉

一剪金刀滿鏡愁青春和髮水東流明年髮得桃花
女十五盈盈並上頭

張五每自笑十三刺髮待
明年娶婦好並上頭也

贈張坦公

中書行省古杭都曾有尚書曳履無暫借願廳居左
轄且拋手版領西湖懷中日月韜龍節匣裏風雷闕
虎符携得岱宗雲滿袖好將膚寸雨菰蘆

中朝九伐勒殊勲父老牽車拜使君藉草定追蘇白
詠澆花應酬岳于墳西陵古驛連殘燒南渡行宮入
亂雲註罷金經臥簾閣諸天春雨自繽紛

題京口避風館詩爲淮南李小有作

橫江樓館面金山白浪粘天如等閒恰是四禪清淨
地毘嵐風起不相關

吳天颶母互爭雄萬斛千帆簸蕩中魚鱉吐涎還失
笑何因平地起龍宮

吹浪江豚向晚多夕陽酤酒聽魚歌長年共指檣竿
笑少日鯨魚口裏過

未便江風彈指開浮囊謹護且徘徊老僧省得多生
事曾記河神小婢來

咫尺橫江濁浪腥新添水檻限青冥臨流莫唱公無
渡恐有人從魚腹聽

朔風吹動幾天昏四壁明燈笑語溫可歎爰居無屋
止避風常向魯東門

佛火經聲出浪堆蝦鬚水母莫相催齋時得食江神

喜約束龍魚受戒迴

三界風輪蕩不旋避風小築倚江天知君突兀千間
屋未是經營斷手年

牧齋有學集卷五終



